

王九峰先生醫簡案



九峯醫案

民國癸亥年蒲月中
澣

敬錄



王九峯先生醫案目錄

三消 遺精 陰痿 便結 肝風 調經 帶下 崩漏

胎前 產後 半產 宜男 肝鬱 腳氣 諸蟲 嘔吐

反胃 關格 積聚 痞滿 腫脹 黃疸 汗症 怔忡

驚悸 不寐 狂癲 癰瘰 情志



王九峯先生醫案

三消

陰虛有二。有陰中之火虛。有陰中之水虛。水火同居一窟。腎臟主之。陽不化氣。水精不布。水不得火。有降無升。直入膀胱。飲一溲二。名曰肺消。經載不治。擬方挽之。是否多酌。

大熟地

福澤瀉

製附片

釵石斛

雲茯苓

淮山藥

油肉桂

大遠志

粉丹皮

山萸肉

巴戟肉

肉蓯蓉

五味子

大麥冬

石菖蒲

經以二陽結。謂之消。謂手足陽明胃與大

腸經也。胃為水穀之海。大腸為傳送之官。

二經熱結。則運納倍常。傳送失度。故善消。

水穀不為肌膚。名曰消中。誠危候也。謹防

疽發。

大生地

生石膏

細木通

懷牛膝

大麥冬

生甘草

飛滑石

白知母



岐伯曰五氣上溢名曰脾瘴夫五味入口藏於胃脾為之行其津液津液在脾故令人口甘也此肥美之所發也肥者令人內熱甘者令人中滿故其氣上溢轉為消渴治之以蘭除陳氣也

佩蘭葉

綠升麻

川黃柏

生地汁

東洋參

白葵花

五味子

生藕汁

大麥冬

白知母

天花粉

善食而瘦名曰食飢亦名消中熱結陽明

胃府防其疽發擬調胃承氣加減主之

生大黃

粉丹皮

川黃柏

福澤瀉

白知母

淮山藥

川草薢

雲茯苓

大渴引飲舌裂唇焦火灼金傷津枯液涸
能食脈軟此屬上消亦名膈消謹防發背
白虎加人參湯主之

生石膏

白知母

香粳米

西黨參

生甘草

善渴為上消屬肺善飢為中消屬胃飢渴

交加。肺胃俱病。肺主上焦。胃主中焦。此由中焦胃火上炎。上焦肺金失其清肅。津液為之枯槁。欲得外水相救。故大渴引飲。陽明主肌肉。多食而瘦。削日加。乃水穀精華不歸正化。故善食而瘦。陽消症也。經言亢則害。承乃制。擬白虎湯主之。

生石膏

白知母

生甘草

粳米

經以二陽結。謂之消。有上中下之別也。下消者。小便如膏。如淋。渾濁者是也。良由過

用神思。擾動五志之火。消灼真陰。精血脂
膏津液。假道膀胱溺管而出。故小便渾濁
如膏如淋。五內失其榮養。一身失其灌溉。
日削月縮。殊為可慮。擬兩儀加味。以滋肺
腎之源。取金水相生之意。第草木功能。難
與性情爭勝。更宜屏除塵絆。恬憺虛無。俾
太和之氣。萃於一身。自能勿藥有喜。

羚羊片 每

大麥冬 每

南沙參 每

東洋參 另

明天冬 每

當歸身 每

大生地 斤

懷牛膝 另

真秋石 另

右藥配好用長流水桑柴火熬膏每早

晚服五錢

消渴已止。眠食俱安。痰嗽未平。胸腹仍脹。

乃木火餘威。木擊金鳴。火灼金傷故也。曾

經大產後。經前作痛。於茲七載。尚未生子。

八脈有虧。現在經閉二月有餘。脈象細數。

無力。非胎候也。有虛勞之慮。宜靜補真陰。

太子參

天麥冬

焦冬朮

玄武板

生熟地

肥玉竹

女貞子

右藥用長流水桑柴火熬膏每服四錢
脈來軟數無力症本陰液有虧五志過極
俱從火化萬物遇火則消故飢餓善食食
不能多者三消未著也前哲治消症必先
蕩滌積熱然後補陰否則火得補而愈熾
服瀉心湯五劑大勢已殺宜補真陰

大生地

雲茯苓

白知母

粉丹皮

川黃柏

焦山梔



淮山藥

肥澤瀉

玄武板

右藥共研細末蜜水泛丸每早晚服

善渴為上消肺氣熱而不清也飲水過多
中土受傷氣機不暢胸腹作脹噯氣不舒
木火餘威擊金為咳去冬調治雖愈今春
小發服煎垂痊以丸緩圖可也

北沙參

大麥冬

福橘皮

粉丹皮

冬白朮

北五味

福澤瀉

淮山藥

大生地

右藥共研細末蜜水泛丸每早晚服



遺精

心旌上搖。相火下應。意淫於外。精滑於內。
精傷無以化氣。氣虛無以化形。神慵肢體
無力。陰不斂陽。浮火時升。寐來口燥。間有
妄夢。症屬陰虧。

大熟地

淮山藥

福澤瀉

女貞子

粉丹皮

山萸肉

雲茯苓

旱蓮草

石蓮肉

未冠先傷。乾破為離。陽升莫制。陰精下損。

夢洩頻。眉稜骨痛如刺。厥少之風。擾動陽明。當培其下。

大熟地

玄武板

沙苑子

大麥冬

淮山藥

彩龍齒

女貞子

石蓮肉

旱蓮草

心主藏神。腎主藏精。神傷於上。精滑於下。五日一遺者。非獨心腎不交。乃中土大虧之明驗也。五為土之生數。生氣不固。殊屬不宜。

大熟地

炙黃芪

熟棗仁

白茯苓

東洋參

冬白朮

遠志肉

白歸身

炙甘草

為末水泛丸每早晚服

三

肝司疏泄腎主封藏二經俱有相火其系

上屬於心心為君火心有所動則相火翕

然而起此遺洩之由生也宜先服荆公妙

香散安神秘精

東洋參

大遠志

赤白苓

丹砂

彩龍齒

益智仁

炙甘草

右藥共為末每服三不拘時溫酒調下
病原已載前方惟心腎不交求其所致緣
少年真陰不固真陽失守心有所覩因有
所慕意有所樂欲想方興不遂所致蓋心
有愛則神不歸意有樂則志不定心藏神
腎藏志脾藏意志意不和遂致二經否隔
此心腎不交之本末也二十餘年病多變
態近服歸脾獲效是求本之功豈泛治所
能瘳也心腎不能自交必謀中土擬媒合

